


HA LUFWELELO, MOSE

 Ngwasakwila, Ndumbu walunga Neville. Chimene chamwaza, enu vakwetu. Echi chili chamwaza kupwa hano lelo mu mbalaka. Kaha Ngwashinganyekanga pamo kachi Ngukwechi Ndumbu walunga Neville kuhanjika chimene chino, Nanguya nakweseka ufuku uno. Kaha jino Ngwapwanga na kutala kunyima kaha jino kutwala ku kukutanga cha shikola ya Chalumingo na chimene. Kaha ika...Nge Mwata nachitavila, etu natuya na—na kupwa na kutanga cha shikola ya Chalumingo.

² Jino, kunahichi kaha milungu yivali jino, ha, kufuma haze Ngwengilile mo. Kaha ngunapunga wakuzangajala nge omwo mwevushisha, muze, muwande, Ngwapwile vene, vene wakuzeya kaha kangwashashile kutwalilaho ko. Kaha jino Ngwejile na kwingila mangana ngunokeko chindende. Kaha Ngwambachile makumbi atatu kuze ku Wolf Creek Dam, kuze Kentucky, kuze Ngwasemukilile. Ngwashinganyekele, “Mamalelo, Nguli nakwivwa kuwaha jino. Nguli kanawa.”

³ Kaha Ngwayile kwimbo, kaha chuma chachindende changuwanyine yami kumeso avaka fulumende vatala ha kutambula mitelo. Ngwayile kufuma kuze kuya na kushikumuka cheka. Shikaho Ngwathachikijile nge nachiya nakumbata pamo kuhambakana mulungu umwe mokomoko ivali ya kunoka.

⁴ Kaha mulimo wami uli na kwalumuka jino. Kaha Kangweshi na kuliwana twasetekele ko. Kaha ou ukiko mulonga Ngunejila nakupwa kusali, na kushinganyeka, kaha jino ha mulungu nawizaho, Nanguya kaha na kunoka, kunoka chivene, kaha nakuvandamina hali Mwata.

⁵ Kaha vathu vavavulu vali muno, enu vamwaka, enu munapunga nayetu lwola lwaluvulu, muli nakwanuka nge vyosena Mwata nahanjika kuli etu, Ikiye lwola lwosena avizachile ovyo Ikiye ahanjikile Ikiye kulinga.

⁶ Anuka, kuze vene kumaputukilo, muliuka muno, chimene chize twalile lilwolwa lya mbalaka, omwo Ikiye...Chapwa chakusoneka, kaha ali haze halilolwa, ha lipapilo lya Mbimbiliya. Chimene chize, chize chimweno chachinene, ngwenyi, “Yino keshi mbalaka yoveko.”

⁷ Ngwambile ngwami, “Kulihi, Mwata?” Ikiye angutwalile helu muutangatanga. Kaha Lizu lyejile. Kaha Ngwatalile kaha ngwamwene jize jikulusu jitatu, nge, mitondo na mihako yayo, na vya ngocho. Munatachikiza chize chimweno. Chapwa chakusoneka, cha myaka.

⁸ Kumbata, likumbi likwavo, mukanda wamwaka kuze, kutanga vyuma vimwe vize Mwata ahanjikile, apolofwetele;

vyeza lyehi nakusoloka. Hali hawu nyengwe va vanyike, kaha nomu jita nayikalovoka, kaha na vyuma kana vize navikalingika.

⁹ Vyuma kaha vivali vya saleko, muli aze maupolofweto amanene. Ali, wa jimotoka hamukwakwa ja kwendesa na rimote, kusoloka nge liulu, ove kuyendesa chiku. Eli nakuli lyendesa ivene. Kaha jino kuli nakuya nakatuka pwevo wamunene, 'mwomwo America lya lifuchi lya pwevo. Kaha naliya... Pwevo wamunene mwakakatuka, kaha mwakapwa Kolokoko yalifuchi mokomoko chuma chimwe nge ngocho, mulifuchi. Kaha jino nakukapwa kulyenyaka chivene. Lifuchi lyosena navakalikumisa.

¹⁰ Kaha, echi, Nguli nakupolofweta...Jino ou keshi Mwata ko ali nakuhanjika echi. (Chikwavo, hali ou pwevo, chili, chili Mwata.) Oloze Ngwapolofwetele, mu 1933, kaye nakaya na kulyenyeka shimbu kanda '77.

¹¹ Shikaho, Ngwahonene kutachikiza kahajino nge vakiko vapwile na chumchimwe chize nachihasa kwenyeka nge omu valinacho jino, oloze Ngwamono lifuchi mukulyenyeka chikupu, vimbuji vya mitondo na vyuma nge ngocho, vyasaleko.

¹² Shikaho, jili hamukwakwa. Kaha kachi vyuma vyeka vinahase kuhita nge omwo Ikiye ahanjikile, chize nachiya nakupwa, nge muze Ikiye ahanjikile mu Chisoneka hano, oyo Ikiye ahanjikile, kachi Kulishitu ejile mulwola lwatete, Ikiye mwaya na kwiza mulwola lwamuchivali. Kaha vyuma vyosena vize Ikiye ahanjikile naviya nakuhita. Kaha hakumona evi, kaha hakutachikiza nge etu tuli...nambala yetu ili kaha kupwa kukutusanyika, nge lifuchi, kutachikiza nge Liuka lili hakamwihi Na Kuhukula. Echi chili na kutambukisa muchima wa mukakuzata, mokomoko kala muthu wosena, kutachikiza nge etu tuli muli eli likumbi na lwola elu tuli nakuyoyela. Hi lwola lwalunene kala muthu ayoyela lyehi hamavu, ali jino; nge, ha Liuka. Shikaho, Nguli punduvene na kufwila kulomba chenu.

¹³ Kahajino Ngwamwene muze mu mbalaka, kaha Ngwamwene vakiko vapwile na...vapwile nakuya nakupwa nakuvota cheka na vyuma vyosena, muliuka, hali vamwe valizavu lya vakulwane na vya ngocho.

¹⁴ Kaha—kaha lize liuka lya tondeka kuliwana chachindende, kulisunga chachindende. Kaha enu munapunga lwola lwosena wamwaza kuli yami, kaha mwangukiswile. Kaha yami kupwa hano, chasoloka kupwa kaha kisu kuli enu. Kaha Ngunakunyuka vene, kupwa hamwe na enu, chinapu kukisula kuli yami. Kaha enu lwola lwosena munetavilanga vyosena Nguhanjikanga kupwa Muchano, nge omwo Ngwamona kuhichila muli Kalunga. Kaha Ngwa—Ngwasakwilila echi.

15 Shikaho jino, Ngwaputukile kwingila, kaha jino Ngwawanyine, kaha kwolola liuka, muze mulizavu lya vakulwane, kaha jino ha kuvota na vya ngocho. Kaha jino—jino, Ngwashingtonyeyekele, hanyima ya chize, Ngwayile na kunokako chindende shimbu kanda Nguyenga nakukinduluka muwande cheka.

16 Lamenu echi mukachi kenu vavene. Jino, echi kacheshi cha ava vali kuwelukako. Echi chili cha ino mbalaka. Etu tuli nakutonda kupwanga kuliwana naino mbalaka, mangana vyuma vyosena, kaha kuluwisa chosena, vyuma vyosena vize vinapungako, pamo kuhona kulivwa kanawa kufuma kuli umwe na mukwavo; vaze, Nguli nakuya nakumbata umwe wosena nakupwa navo meso na meso. Shikaho kachi kaute kwiza kuli echi, ove seza lifuchi; 'mwomwo ove uli nakuya na kulimona meso na meso na vyosena evi, nge omwo twapwilenga nakulinga hano ha mbalaka. Kaha vyosena kuvyolola kanawa, mwomwo etu twapwa muundumbwetu vamaunga na mapwevo vaze vanahokolenga mbolo, ou Mujimba wa Kulishitu, kuze ku mesa ya kisu. Kaha keshi wekako ali liyavolo nahase kulinga chuma chakuhenga, kaha nahase kuneha kwivwa, mokomoko kutanya, mokomoko kalachuma cha ngana. Kaha Yami nanguhanjika kuli Ndumbu walunga Neville, kaha etu tuli nakuya kufuma muchihela chimwe nakuya muchihela chikwavo, kaha kuneha vathu kuli vathu, hamwe, palanga mbalaka yamwaka yinakinduluka, yakuzama cheka, hamahinji acho, kuya lika Kuwangana wa Kalunga. Jino, ou ukiko, mulonga Ngunahanjikila echi, mwomwo chili na lizavu lyetu lya lindende muno muchimene chino.

17 Kaha jino Nanguya na kunoka, kaha nakukinduluka washi washi nge omwo Nanguhashila. Kahajino Nguli nakuvandamina kuseza cheka muwande. Kaha lwola luno, nge Mwata netava, Ngwatondo kumbata tumali twatundende etu tunakungulula, na vya ngocho, yami lyavene, kulovoka muze. . . mu mulimo wa kuya kumafuchi eka. Kaha nguwanyinenuko tende yayihya, na vyakuzachisa vyavihya, kaha nguputuke kuya muwande. Keshi kufuma muliuka nakuya muliuka, oloze shina kuya mukuliwana cheka nacheka.

18 Jino, keshi nge kuhona kuhana kalemesa vandumbwetu ko vaze vanangusanyika yami, echi chinapu chamwaza. Oloze vyosena, enu wananenu echi kulikungulula, vakiko ngwavo ove muya nakupwako, kaha na masepa jove vezanga na kwingila, kaha jino kuze kuli jimbongo jajivulu. Chize chili kaha nakuvanwa vaze vathu nakuvaheha hamavu. Ngwaputukile kaha kuwana kaha nge, mwamono. Shikaho echi kacheshi—echi kacheshi chakwolokako. Etu twatondo kupwa na chihela kuze tunahase kuvaneha hamwe. Enu kamwatondele kuneha jimbongo jenu ko. Twaya kaha ukawove, ove lyavene, kaha—kaha zachila Mwata. Talenu? Kaha shikaho jino. . .

¹⁹ Kaha mulimo wami unalumuka hano vene. Enu anukenu omwo Ngwapwilenga kukukwata kulivoko lya muthu, kaha nakwimana haze, kaha Mwata mwangulweka yami ukaluwavo uka. Ngwenyi, “Kahajino nachiya na kusoloka, enu munatachikiza chili mumuchima chakusweka ya vathu.” Kala muthu enu munatachikiza chize chasolokele mwakukupuka mujila Chize vachihanjikile. Jino eyi yinapu tambo yeka yikwavo, eyi vanapolofweta na kuchihanjika, chize chili hahasuka na Echi, mwamono. Kaha echi chili chakwoloka jino mukwalumuka.

²⁰ Kaha ou ukiko mulonga Satana eji kunguzungisanga na mitelo, kweseka kungulweka yami, nge fulumende, nge Nguli na mukuli wa mutelo ha ngwe yosena na Ngutambula, kupwa mukakuzata, ha kupwa kufuma mummyaka twende seveni, ngwengilile mumulimo. Keshi ngocho ko, 'mwomwo yavangililenga kuhita muliuka hano.

²¹ Ngwapwa uze wakufwelela muli lino liuka. Echi chili vene chakwoloka. Echi chili chakusoneka muno. Shikaho, kahajino, kachi Nguli wakufwelela wakulama nyambululu ya liuka, kahajino kakweshi chuma chimwe muno mukaye... Fulumende kayeshi nachuma chimwe na echiko. Vakiko kaveshi nakuhula liukako. Vakiko vali nakuhula yami kupwa wakufwelela muliuka. Kaha ava vakufwelela vasoneka lipapilo lize lili munyambaulu, kaha aze ali mali ami... Kachi ngutunge chikuku chami amilyavene, Ngwajihichishile muliuka hano, 'mwomwo jili vene kachi chikuku, ngochovene.

²² Kaha linga ngocho, ngukafwe na kungulama kufuma kukuchina na kufuma muliuka na kuseza echi, nakuya na kulovoka na kupwa wamokomoko. Ohonyi Ngwashikile vathu nge Nanguya nakukinduluka kuliuka, lwola hi lwola, na kuvakafwa. Ou ukiko mulonga Ngwachilama ngocho, mwomwo Ngwashikile lushiko kuli vathu. Ou ukiko mulonga Ngwatwama nacho mujila kana, kuhona kupwa hakapanji. Kahajino, kachi ove mulinga ngocho, na chilimbila muchikungulwilo. Kaha Yami ngwakana chikupu chikungulwilo. Shikaho Nanguya—Nanguya nakulama mukjila kana chili, mumavoko a Kalunga, shikaho mangana tutambuke nakuya Muwangana wa Kalunga.

²³ Jino, chimene chino, etu twatondo tuli nangule eli Lizu lya kukisula lya mwaka, na kufwelela.

²⁴ Jino, Ngwatondo kuhanjika, nawa... Ngwamono Ndumbu walunga Egan na vavavulu, vamwe vakufwelela muliuka vanatwame haze, hanyima ya etu twapwanga nakuliwana chetu cha vakakufwelela vamuliuka, ufuku ukwavo; echi cha muchano, Ngwakuvilika muliuka, nge muthu hi muthu wosena muli enu kamweshi cheka—cheka vakutongola vakakufwelela muliuka ko. Enu muli vakufwelela muliuka vakusakula, kaha lijina lyove lili mumikanda. Chosena chakwoloka.

²⁵ Kahajino vakiko vali na kuya na kupwa na kusakula cha—cha vakuzata muliuka, na vya ngocho. Kaha Ndumbu walunga Neville ali, mwaya nakuvasanyika vaze hanyima ya kutanga, chosena chakwoloka, kaha mukakulama nyambaulu na vakwavo, shimbu natuya nakwimika liuka. Tambula, kujina chavo, tanga, kahajino etu natupwa na kuhizumuka omwo ili nakwiza.

²⁶ Jino, shimbu kanda twalumune sali yamapepa hano, cha kutanga cha shikola ya Chalumingo, ku Lizu lyalinene Iya Kalunga wakuyoya, echa kaha etu tunongame mitwe yetu, tando yayindende, shimbu etu natuhanjika na Mukuusoneka ou Mukanda. Kaha jino tulika kupenge vishinganyeka vyosena, na vyuma vyosena vya kulimbalaka, kukukinga ove kuhona kutambula kukisula.

Echa tulombe.

²⁷ Kalunga Wakujila chikuma na kwoloka, muno mulizavu Iya kukisula Kumeso Ove etu tuneza jino, kulambula kuli Ove viyoyelo vyetu, na myono yetu—yetu, na mijimba yetu, na kuzata chetu, na jitalenda jetu. Kaha na vyosena etu tuli navyo, etu tuli nakuvihana kuli Ove. Shimbu Ove mutala hali etu, Mwata, kachi hali shili yimwe ili yauselesele yakuhona kulikonekela, etu twalombo Ove, Ove Mwata Kalunga, nge Ove uhakeho Manyinga a Mwa Nove, Yesu, kuhetesa nakuchihela. Cha, kutachikiza nge etu ukawetu tuli vakuzeneka kutamo, kaha chili chachikalu etu vavene kuliyoeyela. Oloze etu twakundamina mwosena ha Manyinga Eyi amwaza, kaha likoji Lyenyi litwimanyineko, nge etu tuli vakashili vakuzeneka kutela tunahase kwiza na kumika likumbi limwe Kumeso Ove, kuneha kumeso etu Manyinga a Mwata Yesu. Ali, Ove, mulwola lwakunyima, vawatachikijile kupwa nge Manyinga a Mwa Nove umwe kaha Iya munwe, kaha nashiki lushiko, kupwa, “Kuhichila muli Ikiye, kachi etu natulikonekela jishili jetu, etu navakatuvulukila kwoloka ha likoji Lyenyi.”

²⁸ Kaha jino etu natuya nakulomba, Mwata, nge Uyenga nakutukonekela etu kala kuluwisa, kala shili yakuzomboka jishimbi mokomoko kanengauli, kuzombojoka jishimbu, nge kachi kala chishinganyeka chachipi china lemeka myono yetu, na matongo akakahya a liyavolo, nge Ove uyenga nakufumisa ou mukakole wamupi ou Wove, kaha wa vathu Jove nawa.

²⁹ Kaha etu twalombo echi kuli Ove uyenga nakutuma Shipilitu Wajila ambate Lizu lwola luno, shimbu etu natulihana etu vavene kupwa vizachiso, mangana Ove uhanjikile mo, kaha nakwivwa kuhichila muli etu, Lizu Lyove. Kaha echa etu tuchitambule Echi nge chafumu kuli Ove, kaha hakuseza chino chihela, lelo, kwivwa nge etu vanatu tungu kuheta haseteto ya chivwuvu cha Kulishitu; mangana etu tupwenga vakutela kupwa

mukuzachisa ufuku uno na hamene, mwomwo ya kututambukila cha Shipilitu Wajila.

³⁰ Kisula vandumbwetu kwosena, mauka mukaye kosena, vase vana kwachilila ku Lizu lya Kuyoya mumakumbi kana ano amapi. Etu tuli nakwivwa nge katweshi na lwola lwalunene lunasaleko lwakuzatako, mwomwo ufuku uli nakwiza washiwashi. Jijita jinafwiki nakuyenga yenga cheka. Lupi luli hakamwihi, kaha etu twalombo nge Ove muya nakutwechela etu kuzata kuhambakana kunyima. Nokesa mijimba yetu yakuzeya, Mwata, kaha tutume cheka mujita. Twalombo echi mu Lijina lya Mwata Yesu, kaha hali Ikiye etu twalombo. Amena.

³¹ Shimbu etu natufukununa, chimene chino, eyi Mbimbiliya, kuli—kuli kapetulu 11 wa Mukanda wa Hepelewu.

³² Chitatu naufuku etu twapile na kuhanjika ha kapetulu 7 wa Mukanda wa Hepelewu, hali “Mechizendeke, kupwa wakuzeneka ise, wakuzeneka naye, wakuzeneka maputukilo, mokomoko makumishilo akuyoya.”

³³ Kaha Ngwashinganyekele, pamo, chimene chino, nachipwa chakutela kufukununa cheka ou Mukanda wamwaza, kupwa etu tuli na chikuku chavyuma etu tuli nakuya nakuhanjika, mukutanga chapwangaho. Kaha kutumbuka kuya mu kapetulu 10, na kapetulu 9, evi vinapu jishimbi ja milambu, etu natwiza nakutala ha lipenga lya “lufwelelo.” Kaha hano mu Mukanda wa Hepelwu, kapetulu 11, kaha kuputukila ha vase ya 23, etu Eyi natuyitanga ngana:

Ha lufwelelo Mose, omwo ikiye asemukile, vamuswekele mutukweji vatatu kuli visemi jenyi, mwomwo vakiko vamwene nge apwile mwana wapwende; kaha vakiko kavevwile woma wa lushimbi lwa mwanganako.

Ha lufwelelo Mose, ejile na kukola, akanyine kumuvuluka kupwa mwana uze mwana Fwalo wapwevo;

Asakwile kwenyi chize kuyanjala hamwe navathu ja Kalunga, kuhambakana kuwahilila na chiseke chashili chatando yayindende;

Mwomwo amwene ngwenyi kutoleka chakutoleka Kulishitu chapwa luheto lwakuhambakana luheto lwamu Ejipitu: . . . kaha ikiye mwomwo ajikile muchima ha wana wakusakwilila mwakatambula.

Halufwelelo asezele Ejipitu, chakuzeneka woma wakutenuka chamwangana: mwomwo omikile, nge mwauze namono ou kavahasa kumonako.

³⁴ Ngwatondo kumbata mutwe wachihande, chimene chino, “kusakula ha lufwelelo.” Kaha Ngwatondo kumbataho kutangisa, mazu atete atatu mu kapetulu 23, *Ha Lufwelelo,*

Mose. Kaha, “kusakula ha lufwelelo,” vyavivulu etu tweji kulinganga, etu twatela kuvisakula ha lufwelelo. Kaha vyosena vize etu natuwana vize Mose alingile, vinatela kuvihilikila, vyapwile ha lufwelelo; keshi hakumona na meso ko, oloze ha lufwelelo.

³⁵ Kaha mulonga Ngunasakwila echi chimene chino, mwomwo ya liuka omu lili muli eyi seteko, chinapunga ngana mulietu . . . numba ma shikola etu, nawa anatumunguluka, etu tunapunga chikuma na kunangula cha va sayatisiti. Mwomwo ya echi, etu tunakoko vathu na kuvafumisa ku lufwelelo. Jino, lufwelelo kavalwinjikiza ku sayasiko. Lufwelelo lukiko sayasi kavalumonako. Kaha etu . . . Kachi etu natujimbalisa elu lufwelelo lwalunene, kahajino etu tuli mumilima ivene, echi . . . numbathuhu natupwa kanawa ngachilihi vakutanga, natulumbununa Lizu Iya Kalunga ngachilihi, litambukile hamwe najila ya kufwelela chetu.

³⁶ Kakweshi jila yimwe ya kumuvwisa Kalunga kuwaha ko, kuvangila ha lufwelelo. Echi Chisoneka chinahanjika hatoma tho muli jila kana, kaha chili ha lufwelelo. “Kaha chakuzeneka lufwelelo,” ngwacho echi Chisoneka, “chinapu chachikalu kumwivwisa Kalunga kuwaha.”

³⁷ Shikaho, kachi lufwelelo lunalimbalaka na sayasi, kaha sayasi yina limbalaka na lufwelelo, echi nachivahaka ha—ha songo yaumwe na mukwavo, kahajino twatela kusakula nge omu alingile Mose. Ha lufwelelo etu twafwelela!

³⁸ Jino, kachi etu natujimbalisa lufwelelo, kahajino etu katweshi kuya nakupwa na lilombo Iya kukumbululako kuli Kalunga. “Mwomwo owo mweza kuli Kalunga atela kuvangila chatete afwelele nge Ikiye vene, kaha mukakufweta vaze veji kumusakasakanga namuchima wosena Ikiye.” Shikaho, kachi etu natujimbalisa lufwelelo, malombo etu akulyenyeka; etu katweshi kuya kumweko.

³⁹ Shikaho echi kaha chikiko tunahase kushinganyeka etu, chimene chino, chili kukwachilila ku lufwelelo. Kahajino, kachi etu natujimbalisa lufwelelo, kaha malutalilo etu osena anayi. Kaha kachi etu natujimbalisa lufwelelo, kaha vyetu yosena vya shipilitu vya mwenemwene kaha vinayi. Mwomwo, enu kamweshi kuhasa kupwa na lufwelelo muli chuma muli nakumonako, mwomwo vyuma muli nakumona vya kuya nakunonanga.

⁴⁰ Kachi etu natutala hali vathu vamwe vavanene, mukakuzata wamunene, mokomoko chikungulwilo chachinene, vikiko vyosena navikaya nakunonga, likumbi limwe. Kaha kachi etu natutala halifuchi Iya linene, mokomoko chitwa chachinene, vikiko naviya nakunonga, likumbi limwe. Kaha jino etu twatela kuyoyela ha lufwelelo, Iwa vyuma kana sayasi yinazeneka kujimbula. Echi chili ha lufwelelo kana etu twafwelela.

41 Jino, etu tweji kujimbalisa upahu kachi etu natujimbalisa lufwelelo. Jino, kachi etu natufuma ku lufwelelo, kahajino natutwala liuka museteko ya chivwuvu cha vakakutanga.

42 Kaha lwola lwaluvulu, vana chishinganyekanga, mukachi kavathu, nge mwomwo chikungulwile chapwile chachinene, kaha vakiko vapwile na mauka amanene, mingulunga yayinene, kaha yayinene, vavavulu vakuvwala kanawa kaha vathu vakulongesa kanawa, kaha na jimbongo jajivulu, vahashile vakiko kupwa navyo, etu, lwola lwaluvulu, twashinganyekele nge chize chapwile chakuhizumwisa, nge kala liuka lyatela kuhizumuka. Mokokoko, etu tunapunga vakutwala kuli vakakuzata va kumauka akuhandunuka vaze vaza muwande kaha vali na kukunguluka cha vakawoma vavanene, kaha etu twashinganyeka, lwolalumwe, nge vakiko vali vinjikizo vya kuhizumuka. Oloze echi kacheshi hamwe muchano ko. Echi chinapu kuhizumuka chauthu.

43 Oloze kuhizumuka chivene cheji kwizanga na kulinga mwaya muchima wa Kalunga. Talenu? Chipwethuhu apwenga umwe, mokomoko livoko mbe. Chipwethuhu lipwenga liuka lyalinene, mokomoko liuka lyalindende, kacheshi na mulonga ko. Chipwethuhu ikiye ali wamunene, mukakuhanjika kanawa, mokomoko ali kaha wakuzeneka AEI, kacheshi na mulonga ko. Echi chinemanyina ha mujimbu uze ikiye alinakuneha, chipwethuhu wakuhihumuna na Lizu lya Kalunga, mokomoko, uli wakuhizumuna kukwivushisa cha vakakutanga cha uthu?

44 Vathu vamwe vanahase kuhizumuka mwomwo ya mukakuhanjika kanwa. Chize kacheshi kulinga kanawako. Lwola lumwe vakiko vali vakuhizumuka mwomwo uze lunga ali wakulongesa kanawa nahase kujimbula punga yenyi kanawa. Chize kacheshi kulumbununa nge chinapu cha Kalunga. Talenu?

45 Echi chili kaha kuhichila muli Kalunga wahaya myaka, Lizu lya Hayamyaka lya kukisula, tunahase etu kutambula kuhizumuka, chize chakuhana kuli Shipilitu Wajila. Ha lufwelelo etu tunatambula echi.

46 Jino etu natushinganyeka hali Mose, na elu lwola lwalunene lwakuyoya chenyi. Kaha etu natutanga kunyima, cha kusemuka chenyi, kaha omwo Kalunga amuzakaminyine ikiye, oloze kwejile lwola muli Mose' mukuyoya chenyi kuze atelele kupwa na lwola lwa kusakusala. Kachi twautange kanawa, etu twawane kanawa nge apwile mwana wapwevo wa Fwalo, kaha ikiye apwile swana walitanda, kaha atelele kupwa wakushisa fwalo mu Ejipitu. Shikaho ikiye talile na kujinguluka, hanyima yakupwa nakolo lyehi mummyaka kaha wakuhasa kulimanyina, kaha vaze vandungo vapwile nakuzata muze mumena. Kaha Mose, omwo ikiye atalilenga kuhichila mujanene ya nganda, hali vandungo vovamwe vaze Fwalo atalilenga, oloze chihandwa muka chapwile ho hakutala kaha.

47 Ngwatondo kwimanyina chishinganyeka, chimene chino, ha minyutu yayindende, kaha echa Kalunga wa Mwilu achinehe kumuchima wamuthu wosena hano. Echi chili omwo ove nautala ha kala chuma, chikiko cheji kunehanga chihandwa.

48 Uze mukakwambula mujimbu wamwaza wamunene, John Sproul, uze apwile wakwalumuna ku mulimo wa Ndumbu walunga Bosworth, uze enu vavavulu munanuka myaka yakunyima, ya Kashinakaji Glory Barn. Ikiye ngwenyi, likumbi atambukile mushipili, shimbu kanda kufwa cha kasendo kaha pwevo nawa. Vakiko vapwile La Salle, Lorraine, France. Kaha Ngwapwile nauselelwa wakatambukila chize chihela. Kaha uze twamina apwile na kuvatwala muze mulitepa, na kulwekesa vyuma vyakuhanduka handunuka. Kaha vakiko vejile kuchiumba chimwe cha Mwata Yesu, na kusukika. Kaha Mukulwane Sproul apwile nemana kuze, kutala hali chize, ikiye na puwenyi, kaha, mukachi ka michima yavo, vapwile nakutoleka vishinganyeka vya mukakusonga, mokomoko uze fuli, kachi, omwo afuli lilolwa, omwo mwasokele kupihya kwimanyinako kuyanda na zangi na keke ya Mwata Yesu, omu chapwile chakukenyuka nakumona nomu navamutuva. Kaha uze twamina ejile kuli Mukulwane Sproul, kaha ikiye ngwenyi, “Mwane, Ngwashinganyeka nge mulinakutoleka echi chiumba cha Mwata Yesu.”

Kaha ikiye ngwenyi, “Mukiko vene.”

49 Kaha ikiye ngwenyi, “Kangwalikomokelele numba chachindendeko, mwomwo vathu vavavulu veji kutalanga hali echi, chatete, vakiko veji kuchitoleka echi.”

50 Kaha Mukulwane. Sprawl ngwenyi, “Mwomwoika, Kangweshi nakumona kala keke mokomoko kala kuhizumuka kufuma hakutala hali chuma kanako, shikaho Yami nguli nakulikomokela mwomwoika fuli achiumbile ngana.”

51 “Kaha uze fuli . . .” Ngwenyi, “Mukulwane. Sprawl, echi chiumba chili chakwoloka, kaha uze fuli apwile nachuma chakwoloka muvishinganyeka vyenyi. Oloze ukalu uli, na ove. Chili mujila ove uli nakutala haliechi.” Kaha ikiye avambachile na ikiye na pwevo lyenyi kulivoko, kaha nakuvatwala kukamenga kumahinji ayize kulusu. Kaha ikiye ngwenyi, “Jino, Mukulwane. Sprawl, tala jino kuze.” Kaha omwo ikiye andukile na kutala, ikiye ngwenyi mumuchima wenyi nge ikiye namuhono. Chihandwa muka chapwileho, kwimana kuze nakutala hali chize muli ize jila, kaha nakuya na kutala hali chize mujila kana vachiumbila kuchitala.

52 Kaha mukiko chili mujila yoyimwe na Kalunga. Mukiko chili na lufwelelo. Chili mujila mutala halichize. Kachi ove mutala hali chize nge vishimo vya mwaka vya mu Mbimbiliya, ya vyuma vimwe vya makumbi akumwaka ahita lyehi, ove kaweshi kupwa wakuhasa kungalanya umwemwene wa Mbimbiliya ko.

Ove watelanga kupwa hama mbuli ove, kaha kwononoka ku jishimbi ja eyi Mbimbiliya, na kutala hali Echi kuhichila na meso a Shipilitu Wajila.

⁵³ Manguhule ali likungumbuwa, chimene chino. Kuwaha muka nahase kulinga ou Kalunga wakushikulu kuli etu lelo kachi Ikiye keshi Kalunga youmweko? Kuwaha muka mwalinga ou Kalunga, uze mwambata Mose na kulinga vikomwesana ikiye vize ikiye alingile, kuwaha muka nachilinga etu kutanga Kalunga wamuyachi kana kachi Ikiye keshi Youmweko nalelo? Kuwaha muka cha Kalunga uze ahashile kulwila nakuvafumisa mulutengo lwa kakahya, vaze vana va Hepelewu, kachi Ikiye keshi Kalunga youmweko na lelo? Kuwaha muka chili nou Kalunga mwahasa kusopesa mukachi ka kuhenga na kwoloka, mulikumbi linahichi, na kuzangamisa kuhenga na kukisula kwoloka, kachi nge Ikiye keshi Kalunga youmweko nalelo? Tweji kuyanga kuliuka nakulinga ika? Mwomwoika tulinakulihenda kuvyuma vya kaye, kachi ikiye keshi Kalunga youmweko wakusopesa, kaha wa ashinganyeka chochimwe nge omwo Ikiye apwa lwola lwosena? Kuwaha muka nachipwa na Kalunga uze nahase kukwata halivoko lya pwevo ali namashika akuchikima, kaha mashika kwecha, kachi keshi Ikiye Kalunga youmwe lelo ko? Kuwaha muka nachipwa na kuzachila Kalunga uze nahase kusanyika sepa Lyenyi kumufumisa muchimbumbi, hanyima yakufwa makumbi awana, kachi Ikiye keshi Kalunga youmweko na lelo?

⁵⁴ Ha lufwelelo etu twafwelela nge likumbi lya upahu Ikiye mwakaya nakusanyika etu kufuma hamavu, chipwevene etu twapwa nguto yauto kaha. Natuya ngachilihi etu nakwinjikiza echi? Etu katweshi kuhasa kwinjikiza echiko. Etu twafwelela echi. Etu kavatulwekele kwinjikiza kala chumako. Etu vatulweka kufwelela echi.

⁵⁵ Ha lufwelelo Mose alingile *munganji na mukananga*. Kaha nge Mose, nge vupu lya lunga, atalile kuhichila mujanena ya munganda, hali vaze vandungo, ikiye amwene lizazu lyolimwe lya mwilamwila, majilo, va ndungo va unonga vaze Fwalo amwene.

⁵⁶ Kaha omwo Fwalo atalile hali vakiko, kaha na vaze vaka Ejipitu, vakiko ngwavo kaveshi chuma ko shina lizavu lya va ndungo. Mukiko kaha vakiko vawahilile; kupwa kaha vathu vakakukwata unonga, vatungenga tumenga va unonga vakutungisa jize jimbongi ja Fwalo jize apwilenga nakutungu. Mukiko kaha mujila vaka Ejipitu na Fwalo vatalilenga hali ava vandungo.

⁵⁷ Oloze Mose, omwo atalile hali vakiko, chapwile kutala chakulipwila chize Mose apwile nacho. Omwo ikiye avamwene, hakuhita kujanena, vize viveza kumeso avo, aze masoji ahichilenga kumakili avo, kaha na mijimba yavo yakuhenga,

ikiye atalile hali vakiko nge vana va Kalunga. Ikiye katalile hali vakiko nge vandungoko. Ikiye atalile hali vakiko nge vathu vakusakula va Kalunga.

⁵⁸ Kaha, mamalelo, nge omu Ngwayilenga, kufuma mulifuchi na kuya mulifuchi, kaha kufuma mulifuchi na kuya mulifuchi, na kunangula! Kufuma haze Ngwasele vikolo vya mbalaka yino yayindende, muze muchikungulwilo cha mauka, muze kamweshi lushimbi oloze zangi, mukanda weka wauchi shina Mbimbiliya, kaha jishimbi jauthu jauchi shina Kulishitu, Ngunesekanga kutala hali vana va Kalunga, kaha nahali vaze vakukana, kupwa vakusakula va Kalunga kaha vathu vakusakula. Kangwawahula vakiko ko kachi nge veji kukungulukila ku Mbalaka ya Branham. Kangwahula nge vakiko vapwa va Mesondisiti, mokomoko kachi vakiko vapwa va Pulishiteliyani, mokomoko kachi vakiko vapwa va Pendekosita, mokomoko Nazeleni, mokomoko va Pilgrim Holiness. Ngwatondo kutala hali vakiko nge vapwa vathu ja Kalunga. Kaha kumona vyuma vali nakulinga na vilinga vyavo, nge vakiko vali kaha vangamba ja Mwata Kalunga. Kaha kufwila cha mumuchima wami kulikata navakiko, numbathuhu muyachi uka vapwa. Ngukwechi kufwila cha kulikata chavo. Ngwavazanga vakiko Ngwatachikiza nge vakiko vapwa vathu ja Kalunga.

⁵⁹ Nge Nangumona pwevo ali nakwiza mujila, na chifunga chachisuku, na jikambu jili mbwe munyima kaha jamwaza, kaha—kaha kusoloka navwale mukalemesa; kaha Nangumona vupu ya pwevo wakalemesa weka, pamo mumyaka yavo hamwe, kaha nakaputula navwale; ikiye nahase kupwa, mukusoloka, wamwaza pamo kapapa kavali kuhambakana nauze pwevo apwanga najikambu jajisuku, kutesekesa nakutala chakaye, oloze Nanguya nakumbata chihanda nauze kanyike wapwevo avwalanga nge Mukakulishitu. Chipwe vakiko navaya na kumuseha, kaha nakumusanyika ngwavo wakuvayangila, oloze, Nanguya nakumbata chihanda na ikiye. Ikiye nahase kuhona kupwa wamwaza nge uze kanyike wapwevo mukwavo, mutengeso, oloze ikiye ali nakumona chuma chimwe. Ha lufwelelo ikiye ali nakumumona Ikiye Uze apwa wakuzeneka kumona, Uze ali natwaminyina mwono wenyi.

⁶⁰ Nge Nangumona muthu ali hamulimo, vali nakumusanyika kupwa “mukakuzata muliuka,” mokomoko “mukakunangula,” mokomoko “wakuvayangila,” mwomwo ikiye na kane kunwa makanya, na kunwa wala, na kuya kukukina kina, nge omwo vali vosena, kaha valina kumusanyika “wakuvayangila,” muchima wami nauya kuli ikiye. Ikiye ali ndumbwami walunga, muno mu mavu a Ejipitu, echi nachilingisa michima yetu kufwila kulikwata mukasamba na ikiye na kuhanjika, “Ndumbu walunga, etu twapwa va vakakuzuma kaha vangeji, muno mulifuchi, kaha Ngwazanga kulikata na ove.”

Mose ahashile kusakula, kusakula kuhichila mulufwelelo.

⁶¹ Vangahi vakweze jamalunga vanahase kutumbuka hali elu lusesa lwa kupwa vana va Fwalo vamaalunga na vamaapwevo! Vangahi vakweze vamaalunga kachi vanatumbuka ha lusesa luze apwile nalwo Mose, nakuwahilila na vyosena vyachiseke nakuwaha chamukaye, kwiza na kupwa mwangana wa Ejipitu, kwiza na kupwa nakaye kosena kumahinji eyi! “Chuma kana chaule,” chize ava vakweze vamaalunga lelo kachi vanashinganyeka, “omwo Mose askwile kumbata chihela hamwe na vathu vakuyanjiwisa na kuyanda va Kalunga.”

⁶² Mwomwoika alingile ngocho? Ha lufwelelo, omwo ikiye andwile meso eyi, ikiye atalile kuhambakana kuwaha chakano kaye. Ikiye atalile kuhambakana chiseke chashili. Kaha Mbimbiliya ngwayo ikiye ajikijile kumumona Ikiye Uze apwile wakuzeneka kumona, ha lufwelelo, kaha ikiye asakwile kuzachila uze Kalunga numba thuhu kala ocho nachisoloka.

⁶³ Echi kachalumukile ko. Etu vavavulu kachi tunayi kujizuvo jamwaza. Etu kachi tunalivwisa, pamo, kulikata na chiseke chakutwama muswalale. Etu kachi tunapu vapuho chikuma, mukunwa makanya, na kuvwala nakulinga nge kaye. Oloze ukalu uli halihi? Ove una zundula meso ove, kaha halufwelelo ove naumumona Ikiye Uze apwa wakuzeneka kumona, kaha unemana navaze vakukana vana vuluka ngwavo vakakujila vakulyalanga va likumbi lino. Mwomwo ha lufwelelo etu natumumona Ikiye Uze wakuzeneka kumona, kusakula kuyanda nakuyanjiwisa na kuyanjiwa.

⁶⁴ Kangweshi nakuhanjika kuvathu nge vasakule kuyajiwisa. Kangwahanjikile ngochoko nge mwatela kusakula kuyanda. Echi kacheshi kuhasa kupwa chuma cha uthu kuchilinga. Oloze nge kuyanda chinasavala mujila yamulimo, jino echa tuchimbate omu chinakwiza. Kangwazangile ove kulingila muthumwe chuma chimwe mangana chinehe usese kuli ove. Kangwazangile ove uahanjike vyuma vya kulimbalaka, chize, “Yami...Ngwapandama kuliuka lize lya zeneka kufwelela *munganji na mukananga*, muno mukaye,” na vyuma vya kufwana ngocho, mangana kumbata vathu vanehe usese naove. Ove uli nakuli nehela echi hali ove lyavene. Kangweshi kuhanjika kuli ove kwiza kuno na kutwalilaho na kulinga vyuma vimwe vize vyavipi. Kangwazangile ove kulinga echi ko, mangana muthu umwe ahanjike nge ove wapwa wakuvayangila. Ove lyavene chinehe hali ove lya vene. Oloze nge nachipwa mujila yove yakuzachila Kalunga, echa kaye kahanjike vyosena ovyo vanatondo kuhanjika. Ove yoya na kutwalilaho.

Ove sakula. Lunga chipwe pwevo wosena atela kulinga echi.

⁶⁵ Kachi chapwile ngachilihi nge Fwalo amwene muze amwene Mose? Ikiye amwene kuyanda chavathu. Ikiye atachikijile fweto muka vatela kufweta. Oloze ha lufwelelo ikiye asakwile echi, kuhambakana kupwa na chiseke cha shili.

66 Kuze pamo kwapwile vavandende, mapwevo vakalemesa vanatwame hano, vupu ja mapwevo vamwaza. Kaye kanatondo kuhanjika kuli ove, “Linga *echi na chize*. Ove wapwa wamwaza. Mujimba wove vautunga kanawa. Ove watela kusolola echi.”

67 Oloze, ndumbwami wapwevo, andula meso ove nakutala kuhambakana haze, kuli Ikiye uze nahanjika, “Echi chinapu chaunyengwe kuli pwevo kuvwala uvwalo uze wakupandama kuli lunga.”

68 Kachi malunga ja vathu mungalila yove, kachi pwevo vaze mwayoyela hamwe, ngwavo, “Teta jize jikambu jajisuku. Na kwivwakana kututa. Nakupwa *ngana, chize*, mokomoko *mujila yeka*.” Mokomoko, “Echi nachiza nakupwa kanawa.” Kanda kwivwulila kuli chizeko!

69 Ove andula meso ove, kaha ha lufwelelo amumwene Ikiye uze ahanjikile, “Jize jikambu ja pwevo japwa upahu wenyi, kaha ikiye katela kujivatulako.”

70 Kachi vakiko ngwavo, “Nachipwa chapuho. Ove mwimana kanawa na milimo yove, mokomoko na mukulwane wove wamilimo, kachi ove munwako chindende. Kachi ove muya nakunwa makanya nge omu vali mapwevo vosena, ove muya nakwimana kanawa kuli mukwenu mwalihata nenyi.”

71 Ha lufwelelo katula meso ove na kutala kuli Ikiye ou ahanjikile, “Jilula ou mujimba, kaha Nanguya nakuwenyeka.” Ha lufwelelo etu twafwelela vyuma kana. Echi kacheshi chuma chimwe ove unamonoko. Echi chili chuma chimwe ove wafwelela. Ha lufwelelo, Mose achilingile.

72 Kaha muli elu lufwelelo tambukamo, kuli nakwiza lwola kwatela kupwa kusakula.

73 Lote alingile chize kusewuka chaushona chize tweji kulinganga. Lwola lwaluvulu etu tweji kusakula vya etu vavavene. Etu tweji kusakulanga vyuma vize navituvwisa kuwaha.

74 Lwola lumwe kachi muliuka na mwiza kulipika chachindende, kaha muthu umwe ngwenyi, “Chamwaza, uze mukakuzata muliuka mokomoko uze kafunga ali kusali kana oku.” Kanda kutala hali chizeko. Tala hali chize chakwoloka kaha. Mbata chize chuma na kuchifumisamo na kuneha vakiko hamwe. Ou ukiko ukalunga.

75 Kuli kusakula. Kaha etu tweji kulisakwilanga etu vavene. Etu tweji kusakula vyuma vimwe chize chinapu cha etu vavene.

76 Oloze Mose asakwile kuyanda na sonyi, nge ikiye nahase kutambuka na vathu ja Kalunga. Chishinganyeke echi jino. Ivwilenu kuli echi. “Kusakula kuyanda na vathu ja Kalunga, kaha achimwene kupwa luheto lwalunene, mwomwo ikiye ahashile, kumona Uze Ikiye apwile wakuhona kumona.”

Jino, Lote, lwola lumwe, apwile na kusakula.

⁷⁷ Kaha pamo echi chinahase kupwa, chimene echi, nge nakuya nakupwa malunga na mapwevo vanatwame hano, vase navaya nakupwa nakusakula chamakumishilo. Ove uli lelo nge omwo uli, mwomwo myaka yakunyima ove wasakwile kupwa omwo uli lelo jino. Kaha omu musakula jino nachiya nakuneha omwo muya nakupwa mummyaka itanu kufuma lelo. Myaka itanu kufuma lelo ove pamo muya nakupwa kamishonali. Myaka itanu kufuma lelo ove unahase kupwa Mukakulishitu waphuho.

⁷⁸ Mokokoko, myaka itanu kufuma lelo unahase kupwa muhetese, mwomwo ove wasakwile mwakuhenga. Myaka itanu kufuma lelo ove unahase kupwa na kukosanga vyemba muchapu. Myaka itanu kufuma lelo ove unahase kupwa lihule mumukwakwa.

⁷⁹ Mokokoko, ove unahase kupwa lunga mokokoko pwevo uze ali—uze wamulemu mukala ngalila, mwomwo ya kusakula chove Kulishitu. Myaka itanu kufuma lelo ove pamo mupwa mu Upahu, kuya Mukuhukula, mwomwo ove unasakula lelo.

⁸⁰ Oloze ove watela kusakula. Kaha kanda kutala hali ovyo uli nakumonako. Sakula ovyo uli nakumona ha lufwelelo. Echi chikiko kaha chuma chachilemu, shina ocho ove musakula ha lufwelelo.

⁸¹ Lote, nge omwo apwile nakusakula. Apalahama amuhanyine Lote kusakula.

⁸² Kaha Kalunga mwakuhana ove kusakula. “Sakula ove lelo owo ove muya na kuzachila.” Muze mumilemba mu Etene mwapwile mutondo wa—wa chinyingi, na Mutondo waKuyoya. Muthu vamuhanyine uselewa wa kusakula wosena ikiye azangile. Kaha mukiko chili nalelo. Ove vanakuhane uselewa, kupwa wakukasunuka, kusakula kala chuma unatondo kusakula.

⁸³ Kukafwa chami kuli ove, chili, kanda kutala havyuma vyakutona vinakujinguluka ove ko, na phuho na kuwaha chize unahase kupwa nacho. Oloze sakula, vene, ha lufwelelo, Uze ahanyine elu lushiko nge likumbi limwe Ikiye mwaya nakwiza na kwolola kuhengesa chove chosena, kaha mwaya nakukuhana ove Kuyoya Chahaya myaka na myaka, kaha nakukukatula. Numbathuhu kachi ove mumbata jila yakutoleka na ava vavandende va Mwata, sakula kaha. Kachi kuli maukalu mulivoko, kachi muli maukalu mulifuchi, kachi mulimaukalu muliuka, kachi muli maukalu hembo, numbathuhu kwosena okwo uli, sakula kaha, “Ha lufwelelo, Nanguya nakuzachila Kalunga. Nanguya na kulikehesa mumuchima wami Kumeso a Ikiye. Nanguya nakumbata jila yimwe na vana va Kalunga. Nanguvamona vakutoleka kaha vakuhunga, kaha vavahanga na kuvaseha, oloze Nanguya nakutwama hamulimo wami. Nanguya nakutwama navakiko. Kaha omwo vakiko navalila, Nanguya nakulila na vakiko. Kaha nge kuli ushona, Nangualishona

navakiko. Mwosenana omwo navakayoya, Mukiko nanguka yoya navo.”

⁸⁴ Nge Nowemi ngwenyi. . . Mokomoko, Lute kuhanjika kuli Nowemi, “Jijila jove jili jijila jami. Jijila jami jijila jove. Okwo mukayoyela, Kukiko nanguka yoyela. Okwo mukaya, Kukiko nangukaya. Owo Kalunga ove mukazachila ikiye mwakapwa Kalunga kami.” Mbata echi kusakula, chipwe nachiya nakukoka na kufumisa chikova chove chachivezu, cha kushinganyeka nge ove wapwa umuthu umwe wakulitulaho. Lyuve ove lyavene na kumbata jila yimwe na vavandende vakutoleka va Mwata, kaha twama wakushishika muwande wakuzata kaha na hamulimo.

⁸⁵ Lote atalile talile nakujinguluka. Ikiye ngwenyi, “Nguli nakusakula.” Kaha atalile kutwala ku Satome. Ikiye amwene mawande amwila amwaza apwile amwaza kuhambakana aze amwene Apalahama, kaha kuze kwapwile Apalahama. Ikiye amwene kuwaha chamwila wava ngombe, mangna apwenga na vangombe vavanene vamwaza.

⁸⁶ Ngunafwelela Kangweshi na kulemeka kwivwa chamuthu umwe ko. Oloze echi chinapunga kwimana cha vakakunangula vavavulu, kulivwasana na Mujumbu wamwaza, kushinganyeka nge vakiko veji kufumisangamo mali amavulu. [Ndumbu walunga Branham kusakwilila mavoko eyi kapapa katatu—Muka.] Kuzachila kulya! Chamwaza nguyoye mulifuchi lyaumba, kulya, na kunwa kufuma mumutango, na kulya mbolo yamukele, kuhambakana kulivwasana ha kukunyuka cha lufwelelo cha mu Lizu lya Kalunga wakuyoya. Nanguya na kumbata jila yami.

⁸⁷ Vamwe ngwavo, “Billy, ukalu ulihalihi na kuliwana chove, nge vavavulu ma Pendekosita.” Umwe mukakuzata wamunene wavikungulwilo ahanjikile ngocho.

Ngwambile ngwami, “Namuhasa chikungulwilo chenu kukafwa kukunguluka chami?”

⁸⁸ Keshi hanyima chikumako, *Tala* mu mangajinyi vavuluka ngwavo, Ngwafwelela, muze mwapwile chihande chimwe. Kaha mukakusoneka ahanjikile muze ngwenyi, ahanjikile hali va vathu va Pendekosita. Ikiye ngwenyi, “Liuka lya Pendekosita lyapwa liuka lya kukola washiwashi muno mukaye lelo.” Mwomwoika? Mwomwo malunga na mapwevo vanandula meso avo nakutala kwakusuku.

⁸⁹ Kaha uze mukakusoneka nawa ngwenyi vathu va Pendekosita. Mamalelo, eyo vene, ikiye ngwenyi, “Kuze kwapwile vamwe vavo vaze vapwile nge jishina, kaha na vya ngocho. Oloze, vaze va Mesondisiti veji kulifukula jishimbi jauthu. Vakiko veji kulifukulanga Kalunga ha jishimbi jauthu. Va Mbaputishiti veji kulinganga mwomumwe, kaha navaze va Pulishitilyani. Oloze va Pendekosita veji kulifukulanga hali eyi Mbimbiliya.”

⁹⁰ Ha lufwelelo etu tuli nakumona lushiko. Nanguya nakupwa navakiko, numbathuhu muka vakiko vanavatoleka, Nguli umwe wavo. Chipwe navava sekeleka, kaha vali na vimwe mukachi kavo, nge Isalele omu apwile, Kangweshi kazanga kemana navaze tupolofweto vakwonga ko kusali ya pili, Mbalamu, esekele kushinga chize Kalunga akiswile. Mwomwo, mukachi kachize chilombo mwapwile Lilowa lya kuveta, na Mulambu wa manyinga, kaha na Panda ya Kakahya. Numbathuhu vakiko vapwile ngachilihi, yavatwaminyine kuya kukuhasa, kaha vakiko vatela kwiza kuyikiko, mwomwo vakiko vanapu vathu va lushiko vaze vali nakutambuka ha lufwelelo. Chipwe vakiko kaveshi kupwa chikungulwilo ko, vakiko vapwile vakakuzuzumana, mukiko chili navathu ja Kalunga. Oloze Ngwatondo kumbata jila yami navakiko, kulinunga navakiko muze vene vali; keshi muvikungulwilo vyavoko, oloze mu kulikata chavo havihande vya Kalunga vya Shipilitu ya Hayamyaka na myaka, evi, ha lufwelelo Ngwatambula elu lujimiko lwa Shipilitu Wajila. Kalunga ngukafwe yami lwola lwosena kupwa nechi chilinga.

⁹¹ Tala. Shimbu vakiko vatambukile nakuya, etu tunawane nge Lote amwene kuwaha cha uze—uze ngombe wakununa. Vavavulu veji kumona kuwaha cha kununa cha mukanda wamupoloso. Vavavulu veji kumonanga kuwaha chakwimana cha mukaye. Ikiye amwene kuhasa cha mandola akulisala. Ikiye amwene kuhasa chami kupwa mukulwane wa mbongi. Kupwa ngeji, kaha muthu wamwaza, nge omu ikiye apwile, “Pamo Nanguya nakupwa mukulwane wa mbongi.” Ikiye amwene kuhasa mwomwo vakiko vapwile vakutwama kuli ikiye. Oloze ikiye kahashile kumona kaze kakahya kaze kapwile na kwenyeka lifuchi. Ikiye kahashile kuliwana naivene ko, nge lifuchi lya zalile na shili, kaha Kalunga ayenyekele.

⁹² Kaha, lelo, vathu veji kwesekanga kuliwana vavene hakuhanjika, “Ove uli . . .?”

Nanguya na kuhanjika, “Ove uli Mukakulishitu?”

⁹³ Vakiko ngwavo, “Nguka American.” Chize kacheshi nachuma na echi chochimwe kweseka kuhanjika na likololo nge ikiye apwa chimbotwe. Echi kacheshi nachuma chimwe ko. [Ndumbu walunga Branham kusakwilila mavoko eyi kamwe—Muka.]

⁹⁴ Ikiye na kumwenyeka, mwomwo Kalunga ali wakwoloka. Kaha kachi America mwaya na jishili jenyi, uze vakwoloka na wakulimanyina, Kalunga wajila mwapwa wakukashiwa ku—ku kusangula Satome na Ngumola na kulikonekela kuli vakiko ha kuvocha vakiko, mwomwo ya shili javo; kachi Ikiye mwecha etu kuya na eji.

⁹⁵ Kachi Ikiye mwakwecha kuya Mwilu ha milimo ya kwoloka, Ikiye atela kusangula Ananias na Sapphira na kuhana vakiko

lusesa lweka cheka. Ikiye punduvene atela. Oloze Ikiye ali wakwoloka. Ananias amwene mali eyi. Petulu amwene Kulishitu.

⁹⁶ Mamalelo, yami! Lote kamwene chize kulyenyeka cha vana venyi muli chize chihela.

⁹⁷ Enu vavavulu, lelo, kukwachilila ku jishimbi javathu ja mwaka na vyuma vimwe, enu kaweshi na kumona kulyeka cha vanyike na kulyenyeka cha vana venu. Enu kamweshi nakumona vana venu vama pawewe muzuvo ya uhule. Enu kamweshi nakumona vana venu vama lungu kupenda, mokomoko kumesa ya kuhema ma kati kumwe.

⁹⁸ “Mwomwo lyapwile lya kutukumwina kanawa.” Kaha shili kuyikwata chiku. Ikiye kamwene pwevo lyenyiko, mutwe wa jingalila josena, alumukile kupwa panda ya mungwa, omwo ikiye apwile na kutala. Ikiye kamwene ikiye kuchina shina na songo ya lizo, ku mbongi yayindende kumwe, kuchinyisa chiyoyelo chenyi. Ikiye kamwene chize ko, mwomwo ikiye atalile kaha hali chize ikiye amwene kulutwe lwa ikiye.

⁹⁹ Oloze, Apalahama, ikiye atachikijile lifuchi lya meya amavuluko, mwomwo ikiye andwile meso na kumona hamene, mwomwo ikiye mwaswana vyuma vyosena. Ou Mukakulishitu wamwenemwene lelo eji kuzundula meso eyi na kumona lushiko lwa Kulishitu: “Vakukisula vavavovu mwomwo navaka swana vyuma vyosena. Vakiko navakaswana mavu.” Vaze Vakakulishitu wamwenemwene, ha lufwelelo, veji kutala na kumona chize. Kusanyika ikiye ovyo ove unatondo. Ikiye andwile meso eyi. Omwo ikiye alingile ngocho, Kalunga ngwenyi, “Apalahama, tambuka nakuhita mulifuchi, lyosena lyove.” Ha lufwelelo, Apalahama alingile echi; elu lufwelelo lwolumwe luze lwapwile na Mose.

¹⁰⁰ Echi vachisonekele kuli umwe mukakulaka, uze ahanjikile echi. Ngwashingtonyeka apwile mazu amwe amwaza. Nge Apala-... “Mose ambachile kuwaha cha kaye chosena nakuchihaka muchipezoleso chimwe; kaha kulifukula chamokomoko, na kuchihaka muchipezoleso chikwavo; kaha chize kulifukula chamokomoko chahambakanyine kuwaha chamukaye.”

¹⁰¹ Shikaho mukiko chili nalelo, nge kachi etu navatu sanyika etu twatondo kutusanyika, “vakuvayangila,” mokomoko “vakakuka cha Ukalunga,” mokomoko “vakakujila vakulyalanga,” mokomoko mwosena omwo vakiko navatu sanyika. Kupihya chize etu tuli nacho nachiya nakuhambakana kuwaha cha mukaye chinahase. Ove kaute kukusanyika “kusoloka cha mwaka, muthu wamwaka, wakuvayangila.” Echi nachiya nakuhambakana vyuma vyosena vize liyavolo nahase kuhana ove. Echi nachipwa vene.

¹⁰² Mose amwene kutoleka cha Kulishitu. Ikiye amwene Kulishitu. Makumishilo ikiye ahanjikile mazu akuhizumuka hali Ikiye. “Tala, ou Mwata Kalunga kove mwaka katula kapolofweto wakufwana nge yami.” Ikiye atachikijile. Ikiye amumwene Ikiye, kaha ikiye kutoleka Chenyi chapwile luheto lwalunene kuhambakana kuwaha chosena cha mukaye.

¹⁰³ Mukakulishitu sepa, lelo, kaweshi kulinga echiko? Kaha kuwaha chosena napuho ya kaye, ha lufwelelo, etu tweji kumumona Ikiye uze ashikile. Kaha kupihya cha liuka lelo, mu seteko yacho yosena, numba ngocho nayihambakana vyuma vyosena liyavolo nahase kuhana ove. Kachi etu tunasanyuka, kachi etu vatusanyula mutuvihanda vihanda, kachi etu tuli muchimbalanganyi kaha vanatupulu, muvikungulwilo na kuvayangila, nachiya nakuhambakana vyosena liyavolo nahase kukuhana ove. Punduvene.

¹⁰⁴ Ikiye amwene kusauka cha Kulishitu chachinene kuhambakana luheto lyosena lwa mu Ejipitu. Kahajino ikiye atela kulinga chuma chimwe. Ikiye ahungile Ejipitu. Mamalelo, Ngwazanga lize Lizu. Ikiye ahungile Ejipitu. Talenu, ikiye apwile nakutala kuhichila munjanena yomwe, oloze ikiye apwile nakutala mwakulipwila kuhambakana muze mwa Fwalo. Kachi chapwile ngachilihi nge Fwalo ahashile kumona makumishilo enyi? Kachi chapwile ngachilihi nge Fwalo ashile kumona lifuchi lyenyi kulondamana? Mose amwene chize. Ngachilihi? Ha sayasi? Ha lufwelelo, Mose amwene chize. Vyosena vize ikiye alingile vyapwile ha lufwelelo, mwomwo Kalunga ashikile Apalahama, ise, nge Ikiye mwaya nakulinga— Ikiye mwaya nakutambukila eli lifuchi hanyima ya myaka fwo handulendi, kaha mwakavaneha na kuvalovolamo. Kaha ha lufwelelo, Mose afwelele muze mu Lizu lya Kalunga lya hanjikile, kaha atachikijile lyavene, nge ha lufwelelo, kupwa twamina wakusakula wakuvalovolamo. Ikiye atachikijile okwo ikiye apwile. Ikiye ambachile chihela cha mena amajilo, nge mukakulishila ndambo, kaha alavile kutoleka cha Kulishitu kupwa chachinene kuhambakana kutwama halitanda lya mu Ejipitu. Ikiye ambachile... Ikiye kahanjikile ngwenyi, “Ngunevwu keke nech.” Ikiye ambachile chihela na kuya navakiko! Upahu. . . Ikiye ambachile chihela chavo. Etu twayile navakiko.

¹⁰⁵ Shikangaho mukakusoneka wakuhizumuka ambile ngwenyi:

Nangumbata jila hamwe navaze va Mwata
vakutoleka vavandende.
Ngunaputuka hamwe na Yesu, jino nguli
nakuya nakuhita.
Ngulimujila ya kuya kulifuchi Kenane.
(Punduvene.)

106 Mose. Echi vachambile ngwavo ha umwe uze Mose apwile, ahashile kupwa mwana walunga wa Fwalo kaha apwile na kuwaha cha kaye, Ikiye atelete kupwa mwana walunga wa Apalahama kuhamabakana kupwa mwana walunga wa Fwalo. Mwana walunga wa Apalahama, uze wakutoleka, kuhambana mwana walunga wa Fwalo, uze mwangana.

107 Chinatela kupwa mwana walunga wa Mwata Yesu, kaha minavo ngamba Yenyi, kaha ambate chihela chami navaze vathu vakuhunga ku kaye, kuhambakana kupwa Kolokoko ya lifuchi lyalinene nge United States of America, mokomoko kupwa Elvis Presley, mokomoko Pat Boone, mokomoko mwosena omwo unatondo kulinga. Nanguya nakumbata jila yami.

108 Vavupu ja mapwevo vakalemesa kumbata jijila javo. Kuhona kupwa nge—nge Mary Pickford, mokomoko vamwe vakavisela, mokomoko umwe kanyike wapwevo wamwaza, mbata jila yove na vase va Mwata vavandende vakutoleka.

109 Chamwaza ngupwenga mukakunangula mukamenga, kunangula luheto lwakujindama cha Kulishitu, kuhambakana vase vakavisela vamu Hollywood, mokomoko muthu umwe wamunene ha mavu. Kachi Nangulya koma kakandende, kulombalomba, mokomoko kalachuma Ngunahase kulinga, Nanguya nakumbata jila yami navathu ja Mwata. Ha lufwelelo, Nangulinga echi. Vana nguhanenga malusesa. Oloze, ha likoji lya Kalunga, Nguli lika nakumona ha Lufwelelo.

Ha lufwelelo Ngulinakumona kwakusuku;
Kaha Tata yetu ali nakuvandamina mujila,
Kutuwahishila chihela Kuze kwakutwama.

110 Lunga umwe mukakutelesa ngwenyi, lukumbi likwavo, “Mwomwoika wahanyine limbo lyove kuliuka? Ika ove unahanyina limbo lya twende faifi sauzande ndola kuhana kulikaze ka mbalaka kamwaka kamajilo?”

111 Ngwambile ngwami, “Keshi Ngwalingila echi haliuka ko. Shina vathu vakiko ngunalingila.” Kangweshi na chuma chimwe chakaye chamwaza ko. Kala peni ya jimbongo Ngunambate na kutwala kuliuka. Mwomwoika? Lufwelelo lwami luli hali Kalunga, kaha keshi hali vyuma vya mukayeko. Kufwila chami chapwa cha kwilu. Kaha Ngwafwelela enu muli mwomumwe, kachi enu mulikana na Kalunga. Muchano vene, mukiko muli. Etu, ha lufwelelo, tambula. Etu, ha lufwelelo, fwelela Kalunga.

112 Mose, ikiye atelete kusakula. Kaha jino ikiye atela, hanyima ya kusakula, ikiye atela kuzunga na lufwelelo, jino, mwomwo ikiye kevwile womako wa ndombo ya mwangana. Jino, muuthu, ikiye ali nalusesa lwa kwivwa woma wa ndombo. Ikiye ali nalusesa lwa kwivwa woma wa ndombo ya mwangana, oloze ikiye kachilingileko. Ikiye kachi lingileko, mwomwo ikiye apwile na mulimo wakulinga, kaha ikiye apwile hamulimo. Kaha ikiye

kazakamineko mwangana mwahanjika ika. Ikiye ambachile jila Yenyi mwomumwe.

¹¹³ Jino, Fwalo, eyo vene, omwo ikiye amwene ikiye vanamuhonesa, ikiye atondele kuhana Mose na vana venyi. . . Ikiye ngwenyi, “Chosena chakwoloka, Nangumilweka enu omwo Nanguya nakulinga. Enu vosena twamenu kaha mulifuchi kaha yenu mukahane mulambu kuli Kalunga kenu.”

¹¹⁴ Mukiko mujila azata liyavolo. “Mamalelo, ove unahase kupwa mukakulifukula. Mwomwoika ove muhonene kuya na kulinunga na liuka limwe? Enu kamwatela kulinga vyuma vyosena evi ko.” Lunga mwahanjika kuli pwevo lyenyi. . .

¹¹⁵ Kaha pwevo ngwenyi, “Lunga lyami, Vanangulwili. Kulikwita ulombo chakumu, mokomoko kukwita ulombo hamivumbo na vyuma vyangocho. Evi cheka chiku. Mazavu mazavu chiku. Evi cheka chiku vya mumembo. Yami ngwafumumo! Nanguya nakuhaka lwola lwami kukutanga eli Lizu, na kulama hembo.”

¹¹⁶ “Jino, tala, kasendo. Ove, ove unahase kupwa mukakulifukula, chosena chakwoloka. Jino, tala, ove—ove yako kuze *hano*. Ove ukwechi liuka lya kuhenga.”

¹¹⁷ Nduma, ove kaweshi. Ove uli muli uze umwe wakwoloka. Kachi ove ukwechi mukakunangula uze mwaya na kunangula echi kuli ove, ove watela kutwama naechi. Tonda nakuhita mu Visoneka na kuwana nge echi kacheshi chakwoloka ko.

¹¹⁸ “Mamalelo,” ngwenyi, “yako kuze *kuno*. Vakiko kaveshi—vakiko kavatela kulinga chizeko hazeko. Talenu? Vakiko kaveshi kuhasa kulinga chize kuze ko.” Omu mukiko jila. . . “Yako kwakusuku.” Oloze ikiye katondele ove kufuma mulifuchiko. Omu mukiko liyavolo eji kulinganga. Ikiye katonda ove kulovoka muvyuma vya kayeko; shina neha liuka na kaye hamwe.

¹¹⁹ Likumbi likwavo, kwiza mujila, Ngwasokolwele chisaji chami. Kaha kwapwile—mwaso, kaha Ngwatwalileho kuwivwulila, kaha Ngwambachile, hakamwihi, ou mwaso nakuhita, shimbu Kanda kutachikiza nge wapwile vene mwaso wakulifukula, mokomoko liyavolo ali nakuneha vyuma vya Kalunga hamavu kuhetesa na haseteko ya lifuchi. Ove kaweshi kulinga ngochoko! Kalunga atutetele!

¹²⁰ Kangwazakamako myaso ingahi Elvis Presley mwasoneka, myaso yamwaza ya kulifukula. Ikiye hanga ali wakuhetuwa kuli liyavolo. Ikiye natumu vana vavavulu kuhetese, kaha visela vyenyi vyosena Ngwatachikiza, mukaye kosena mulikumbi lya lelo. Pat Boone na vakwavo veka, ikiye apwile nakuya kuliuka vavuluka ngwavo lya Kulishitu; kaha Elvis Presley, muka Pendekosita; vakiko vapwa vaka Yuta Sakaliyote, muchifwanyisa chavaze malunga. Ou liyavolo ali na kweseka kuneha vyuma vyahelu vya Kalunga, mangana vakiko vahase

kuvifutula vikiko *hano*. Ava vathu kaveshi kutala kwilu kuli *echiko*. Vakiko veji kaha kutala *hano*, ngwavo, “Chamwaza, echi chili kaha chochimwe.” Echi kacheshi chochimweko. Lovokamo muno mulifuchi.

¹²¹ Ngwenyi, “Ove unahase kuya kaha mumakumbi amamndende. Kaha ove yako, twama mulifuchi.” Punduvene, ikiye atachikijile nge vakiko navakinduluka. Kahajino ikiye awanyinene nge chize kacheshi kuzachiwako, shikaho ikiye ashinganyekele chuma chakuhandunuka. Ikiye ngwenyi, “Nanguya nakukulweka ove ocho muya nakulinga. Ove lovoka yako kumwe okwo ove unatondo kuya, oloze ove seza mapwevo jove vosena, vana vove vosena, na vangombe jove vosena, kinduluka *kuno*. Ove vaseze vosena *kuno*, kaha ove lovoka yako.” Mwomwo, ikiye atachikijile nge vakiko vapwile na luheto kunyima kuze, luze naluvalingisa vakiko kuvakindulwisa kunyima.

¹²² Kaha omu mukiko uze liyavolo eji kuhanjikanga kuli ove. Chikalu kaha nge ove museza vyuma vimwe vya mukaye vinazezalala hali ove, ove uchili nakutonda kunwa makanya, ove uchili na kutonda kunwa wala, ove uchili nakutonda kuvwala nge mukakaye, chili chochimwe lika nge omu azanga liyavolo.

¹²³ Nguli nakwivwa chikuma ha kulimbuka. Kangwa fwelela chikuma mukulimbuka nge omu vashinyeka vathu kupwako. Vakiko veji kaha kuseza luheto chikuma mu Ejipitu luze lweji kuvakokanga vakiko kunyima, mukiko kaha. Kulimbuka kacheshi nge omu veji kuchambanga ko. Ove wasele chikuma vya kaye kunyima kuze, vikiko vyeji kukukokanga ove.

¹²⁴ Ndumbu walunga, Nangukulweka ove, omwo va Isalele vali zangile, mukachi kaufuku, vakiko vapwile na vyuma vize vapwile navyo muno mukaye, vavilongejekela na kuli kulizanga nakuya.

¹²⁵ Kalunga tutumine kuhizumuka nge chize. Etu tulongejekela vyuma vyosena, na kulizanga nakuya. Chize kutambakana cha mukachi kaufuku chili nakwiza, “Yenu lovokene muliwane na Ikiye.” Ove watela kupwa na vyuma vyosena kupwa vyakulongejeka lyehe. Ove kawatela kuhona kupwa navyuma vimwe ko, vya kaye, vili nakukukoka ove nakukutwala kunyima, kala lungoji kukindulwisa kunyima. Longejeka. Echa tupwenga vakulizanga. Etu tulinakuya.

¹²⁶ Kaha munatachikiza chuma kana? Nangumilweka, vakiko vapwile vamuchano kuli Kalunga, palanga nomu Fwalo atumbukile mu kachi kaufuku, ikiye ngwenyi, “Yenu! Yenu, kaha yenunga. Mbatenu vyosena mukwechi, na kuya!”

¹²⁷ Ngunawahilila chikuma kumona muthu mwayoya hakamwihi chikuma na Kalunga, palanga na liyavolo mwahona namwakulinga na ikiye. Echi chakwoloka. Yenu! Yenunga! Kwononoka Kalunga!

128 Ha lufwelelo, ikiye amwene luze lushiko. Mukakulilamba mu ndambo, mokomoko chipwe keshi mukakulilamba mu ndamboko, ikiye ambachile jila navaze vavandende va Mwata vakutoleka. Fwalo ngwenyi, “Mbatanu vyenu vyosena mukwechi na kulovoka muno! Ngwahono kutachikiza vyakulinga nayenu.” Ikiye apwile wamuchano kuli Kalunga, ha lufwelelo.

129 Lufwelelo naluya nakuzata vikomwesa, kachi ove nauya nakutwama mumuchano na Kalunga. Ha lufwelelo, etu twamumona Ikiye.

Lwola lwetu lunahete; lwola lwahichi.

130 Oloze, ha lufwelelo, chimene chino, andula meso ove. Kanda kumona vinakujingilika, kano kaye kakutona, oloze tala na kumona Ikiye Ou eji kuhananga lushiko. Eyi Mbimbiliya ngwayo, “Etu katwamona vyuma vyosena mwakukupuka ko jino, oloze etu tweji kumona Yesu.” Ove tala hali Ikiye, chimene chino, kaha jijila jove najiya nakwalumuka.

131 Shimbu natunongama mitwe yetu, tando yayindende, ha lizu lya kulomba. Echa Mwata ahake kukisula Chenyi ku Mujimbu.

132 Shinganyeka mumuchima wove jino. Ove unapunga na kutala ha vyuma vya mukaye? Ha lufwelelo, ove weji kumona Yesu? Ove uli na kutala ha puho yove, liuka lyove? Kwimana chove cha chiseke chili ngachilihi muno mukaye? Mokomoko, ove uli na kumona Yesu Ou ali, muwina, nalihake Lyavene kulivoko lya chilyo lya Wakulitulaho kuli wa Helu, Ou ayanjile nge wakujiha, wa kwoloka hali vakuzeneka kwoloka? Kaweshi kuhasa kwandula meso ove na kumona uze Mutondo wa Kuyoya kuzeko? Kahajino, seza ou mutondo wa sayasi na chinyingi, na kumuzachila Ikiye.

133 Ove unatondo vakwanukeko mukulomba shimbu na Ngulomba? Katula livoko lyove, nge kulikutonda nge ove uli nakutonda chumachimwe. Kalunga akukisule. Ikiye eji kumona mavoko enu osena.

134 Kachi ove uli mukashili vene, andula meso ove na kutala jino. Kachi ove unapunga mukulihandununa, kachi munapunga navikokojola chindende na vyuma vimwe, chihandwa muka nachilinga? Ove uli nakuya nakufwa likumbi limwe hamakumbi awa. Likumbi muka? Pamo lelo! Ove unahono kutachikiza. Ola kufuma hano jino, ove unahase kupwa muhetese, mokomoko ove unahase kupwa Mwilu. Oloze ove watela kusakula jino. Kachi kuli kalachuma mu chiyoyelo chove chize kacheshi chakwoloka ko, ove sakula jino, ha lufwelelo.

135 Ove ngwove, “Chamwaza, kachi kaha Nanguya na kupwa nenyi! Kachi Nanguya nakupwa na ikiye!” Numbathuhu ovyo vakiko vanalingi, sakula Kuyoya. Sakula Kuyoya.

¹³⁶ Mwomwo, Yesu ngwenyi, “Kachi kufuma mumuchima wove nauhona kukonekela kala muthu jishili javo, chochimwe na Senu ali Mwilu mwahona kumikonekela enu.” Shikaho enu pandamenu hakamwihi. Kachi kuli umwe ali na mulonga mumuchima wenyi namukwavo muthu, mukashili mokomoko mukakujila, ove uli muponde ya chijiva chakakahya.

¹³⁷ Jino andula meso ove. Ove uli nakumona ika, mukakole wove? Mokomoko, ove uli na kumona Mulwilo wove? Ove uli nakutala hachuma muka chino chimene?

¹³⁸ Kachi ove uli na kuviza, kaha ndotolo ngwenyi ove kaweshi kuyoyako, andula meso ove, kukulusu, kuze Ikiye vamulemekele hazombojoka chetu jishimbi, ha mikiki Yenyi etu twahinduka. Kanda kutala hali ovyo nahanjika ndotolo; ikiye ali nakuzata musayasi. Lufwelelo lwazata muchingelengele cha Shipilitu na Kalunga. Echa etu tushinganyeke vyuma jino shimbu enu mwazundula mavoko. Kalunga nawamono.

Echa etu tulombenu.

¹³⁹ Ove Kalunga wa Hayamyaka na myaka, mu kuunda muli echi kulifukula jino, hanyima ya Mujimbu nge unahichi, kanda wecha eji jimbuto ja Lizu Lyove, Mwata, kuholokela ha mavu amalolwa. Kanda mwecha ou Mujimbu, Mwata, kuholokela ha mingonga, na mituva poko, chikiko kuzakama cha echi chiyoyelo (Lote) vanahase kujituva, makumishilo, kwiza na kumbila. Oloze, Ove Kalunga wakukisula, echa jiholokele hamwaza, hamavu awilo, ha michima yakulihana. Kaha hali wami, nawa, Mwata, mangana etu vosena tuhase kutala kuhichila mujanena ya Kalunga, na kumona Liuka lya kuhunga lya Mwata Yesu, vathu vakuhunga, jila ya kuhunga, kaha echa tutambuke muli eyi jila ya upahu.

¹⁴⁰ Nge omu Mose, ikiye katachikijile okwo apwile nakuya ko. Vathu kavatachikijile okwo vapwile nakuya ko. Vakiko kavatachikijile jila muka yakuya. Vakiko vaputukile kaha.

¹⁴¹ Kaha, Ove Mwata Kalunga, shimbu ou mwaso wamwaza vali nakuwimba, ha lufwelelo etu tuli nakumona lize Lifuchi kuze kwakusuku. Echa lipwenga ko jino, nge malunga na mapweze vali muno kaveshi kuhasa kushingenyeka ika kaye nakaya nakuhanjika, mokomoko omwo vakiko navaya. Echa vakiko vakatuke mujishipilitu javo, na kuya.

¹⁴² Mose akavangijile Kumunyika, kaha Ya mutwaminyine kulifuchi lya lushiko. Katachikijile noku ali nakuya ko, oloze ikiye atambukile nakuya muze mu Kumunyika, kulifuchi lize lya mwaza kuhambakana likumbi.

¹⁴³ Tuhanecho, Mwata, lelo, mangana vavavulu muno vatambuke Mukumunyika cha Chisoneka na mukulikata cha Shipilitu Wajila, na Liuka; eli Liuka, lya Twatwa, ava vakemba vanasemuka ava vanatambula Kulishitu, kaha vanazale na Shipilitu Wajila, vali nakutwaminyina kuli Shipilitu. Echa etu

tutambuke muli echi kulikata, hamwe, kujinguluka havihande vya Kalunga, kumuzachila Ikiye mulujimiko, mu kwononoka kukufwa Chenyi, kufunda, na kusanguka. Echa etu tumuzachile Ikiye mulushimbi Lyenyi, “Vandaminenu muze mu Yelusalema palanga nomu navakamivwika Ngolo ja kufuma Kwilu.” Echa etu tumuzachile Ikiye mukuka cha Ukalunga, kulombelela vakakuviza. Echa etu tumuzachile Ikiye mukukwiza chetu hamwe, kupuzula mbolo, na muchima umwe, nakulikata mu Lizu Iya Kalunga. Echa tumuzachile Ikiye muvihande Vyenyi vyosena vya Ukalunga, palanga nomu lize Lifuchi natulimona. Tuhane echi, Mwata. Iwva kulomba chetu, nge omu tuli nakukunjika evi vyosena kuli Ove jino, mu Lijina Iya Mwata Yesu.

¹⁴⁴ Jino na mitwe yetu yakunongama, washiwashi, chindendechindende, echa twimbenu ou mwaso. Jino echi chinapu kulifukula. Mujimbu unahichi. Naumwe mwaya wauchi. Pwenu kaha vakuhola kulu. Echa tulifukule.

¹⁴⁵ Ou mujimbu uli na kwololola. Shinganyeka jino hali ovyo unalingi, vyo kachi walingile, chuma muka chinakulingisa ove kupwa omwo uli lelo. Chuma muka chinakulingisa ove kupwa wakupayiwa, lelo, chili mwomwo ove walinganga chuma chimwe zau. Naupwa ngachilihi hamene? Cholole lelo, kaha ove mupwa wakukasunuka hamene. Talenu? Ove watela kusakula. Ove muchilinga ngachilihi? “Ha lufwelelo, Nguli jino na kwecha vyuma vyosena. Nguli jino na kwecha, kaha likumbi limwe Nguli nakuya Kuze.”

Mukuwaha ha na ha,
Etu natukamuwana haze hamwa- . . .

Lifukule kaha Mwata mushipilitu yove jino.

Mukuwaha ha na ha,
Etu natukaya nakuliwana na Liuka Iya kutoleka. (Kuya cha chikalu, oloze natukaliwana likumbi limwe.)

Kuli Tata wakulisala wamwilu,
Etu natuya nakuhana milambu ya kwalisa,
Ha wana waupahu wa zangi Yenyi,
Kaha na kukisula chize chakujila chayetu. . .

Navaze va Mwata vavandende vakutoleka, ha lufwelelo, Ngwasakula.

Mukuwaha (mukuwaha) ha . . . (ha na ha)
Etu natuya nakuliwana kuchana chamwaza;
(ha na ha)

Mukuwaha (mukuwaha) ha na ha,
Etu natukya nakuliwana ku chana chamwaza.

Kuli lifuchi lize lili. . .

Lifukule kaha Ikiye. Echi chikiko kulifukula.

. . . lufwelelo Ngunahase kumona,
Ha lufwelelo Ngunasakula.

Mamalelo, Tata alinakuvandamina . . .

¹⁴⁶ Ngwamono Mwata kwosena Kuze; Ndumbu walunga
George, Ndumbu walunga Seward, vakakujila vosena.

. . . kupwa chihela chakutwama Kuze. (Eyo,
Mwata!)

Kuli kuwaha . . .

¹⁴⁷ Ise, Howard, Edward, vosena vaze vakakujila masepa
vamwaka vaze vambachile Jila, kunyima kuze, lwola
lwakunyima chikuma.

Mukuwaha (Eyo, Mwata!) ha na ha (ha na ha),
Etu natuya na kuliwana kuze kuchana
chamwaza.

Etu natukaya na kwimba kuze kwamwaza- . . .
(Ove Kalunga!)

Ou mwaso wamwza wakukisula, (Upahu kuli
Kalunga!)

. . . katweshi kalishona chekako,
Tala chinjikizo cha kisu cha Chihela cha
kunoka.

Mukuwaha, mukuwaha ha na . . . (ha na ha)

Etu natukaliwana hachize kuwaha- . . .



HA LUFWELELO, MOSE LVE58-0720M

(By Faith, Moses)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chimene, Kuhuhu 20, 1958, mu Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2020 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org